



UNIVERSITÄTS-
BIBLIOTHEK
PADERBORN

Mons Thabor Sive Solitudo Exercitiorum Spiritualium

Bisling, Anselm

[Einsiedeln], 1682

Meditatio I. De creatione Muni. Angelorum, & Hominis.

[urn:nbn:de:hbz:466:1-60545](https://nbn-resolving.org/urn:nbn:de:hbz:466:1-60545)

re, tanquam novæ professionis ac vitæ regulas; donec in earum observantia ritè exulto licuerit ad intima demum familiaritatis divinæ adita penetrare.

V I Æ P U R G A T I V Æ

Die Prima

De ultimo fine hominis, & medijs ejus universalibus ac specialibus.

M E D I T A T I O I.

De creatione Mundi, Angelorum, & Hominis.



Mnes sub uno Domino æqualem servitutis militiam portamus; ideo semper memores simas, quod ait Propheta: *Servite Domino in timore: Cap. 43.*

Textus Regula cap. 2.

nihilque operi Dei præponatur.

PRÆLVDIVM. Imaginare; te quasi in angulo cujusdam densissimi, & tenebricosi nihili abstrusum, videre, & audire tres personas SS. Trinitatis consultantes, & decernentes creationem vastissimæ alicujus rerum omnium universitatis.

Punct. 1. *Consid. 1. Omnipotentiam Patris*

Creatio
Mundi est
opus om-
nipotentiae
Dei.

Et Sapien-
tia.

Et Bonita-
tis.

Admiratio-
nis affectus

Psal 91.

*Cant. Pu-
er. Dan. 3.*

Angelo-
rum crea-
tio; inobo-

Patris prodijisse, & creasse quaedam in
immensa magnitudine, uti celorum or-
bes, terram, mare, montes &c. Alia
verò innumerabili multitudine, nimi-
rum stellas, plantas, volucres, pisces,
animantia &c. Ac omnia quidem so-
lo verbo: FIAT. 2. Sapientiam dein-
de Filij omnia pulcherrimo ordine di-
stinxisse, & separasse ab invicem ter-
ram, ignem, aquas, aerem, montes,
valles, regiones; assignando aerem vo-
lucibus &c. cum admirabili varia-
te, & mutua dependentia. 3. Bonita-
tem S. Spiritus omnia largissimâ bene-
dictione replevisse; terram, ut fructus
copiosè proferret &c. Aquas; ut pis-
ces, gemmas &c.

O millies adoranda, tremenda, &
ab omnibus creaturis glorificanda ma-
jestas! quàm magnificata sunt opera tua Do-
mine? omnia in sapientia fecisti, impleta
est terra possessione tua. Benedicite omnia
opera Domini Domino &c.

Punct. II. *Consid.* SS. Trinitatem
inito quasi altero consilio 1. creasse in-
numerabilem caelestium Spirituum mul-
titudinem, omnes purissimos, lucidis-
simos, velocissimos, sapientissimos. 2.
Illos distinxisse in novem Choros tan-
quam suae Majestatis Familiars, Assis-
tentes, Milites, Legatos, Ministros,
Officia

Officialēs. 3. Omnibus proposuisse Filium Dei quasi incarnatum, ut adorarent, & tali actu gloriam æternam mererentur. 4. S. Michaelē id cum suis sequacibus faciente, Luciferum ex superbia, inobedientia, & propria voluntate cum suis complicibus id renuisse, & sic rebellionem excitasse contra Deum. 5. Primos fuisse confirmatos in gratiā, & gloria; istos ad æternos ignes deturbatos.

O Altitudo divitiarum, sapientiæ & scientiæ Dei, quàm incomprehensibilia sunt iudicia ejus! ergò Lucifer ille, qui orientabatur uti sol, cecidit? & tertiam partem stellarum secum abstraxit? Ô casum terribilem! Væ terræ, & mari! quia descendit Diabolus ad vos habens iram magnam. O pessimum omen!

Punct. III. *Consid. SS. Trinitatem* post hæc ita deliberasse: *Faciamus hominem ad imaginem, & similitudinem nostram: & formasse ex limo statuam carnam omnibus membris pulchrè compositam. 2. Suo anhelitu insufflasse animam immortalem cum suis potentijs, ac dotibus omniscientiæ, sapientiæ, gratiæ, & immortalitatis. 3. Homini potestatem super omnia creatadedisse. Ac 4. ipsi pro ultimato fine seipsum æternaliter possidendum statuisse. 5. Vnicum*

C

hoc

dientia; lapsus.

Affectus deploracionis & timoris;

Adami creatio.

hoc tanquam præceptum imposuisse, Deum Creatorem suum laudandi, amandi, ei obediendi, ac serviendi: idque sub spe præmij æterni; & econtra, sub pœna mortis corporis, culpæ, animæ, & damnationis perpetuæ.

Ah! quàm leve hoc præceptum! quis reluctetur? serviunt ipsi homini ad necessitatem elementa, plantæ, bestiæ; ad delectationem verò fructus, & volucres &c. Omnia autem Deo obediunt, & solus homo, pro cuius amore, favore & commodo omnia creata sunt, solus, solus iste recalcitret? iste se contra suum Dominum & pientissimum Patrem diabolicæ factionis complicem faciat? & ipsemet ego fuerim, ac sim talis? ego Deo meo non obediam, non serviam, non laudem, non amem? O indignitas, ô pudor! ô facinus mille gehennis plectendum! O Domine mihi quantum me nunc pudet enormis istius ingratitudinis.

Proclus.

At sanè sic deinceps non erit: sed attento, quòd præ alijs creaturis peculiarem tibi portem servitutis militiam, promptè, fideliter in timore, & tremore servire cupio, & obedire ex animo tuæque laudi, amori, & operi nihil unquam præponam.

Colloquium.

Rogo te igitur, ô SS. & Individuum

Trinitas, per omnipotentiam, sapientiam, bonitatem, & misericordiam tuam &c. digneris mihi gratiæ tuæ largissimam benedictionem conferre, ut ad te unicum meum, & excellentissimum finem, actuum honorem, & gloriam semper dirigantur omnes meæ cogitationes, eloquia, & opera. Per Iesum Christum Dominum nostrum, Amen. Pater noster. Ave Maria.

DIGRESSIO I.

*De iniquâ MVNDI erga Deum
ingratitude, stultâ vanitate, & in-
timâ Essentiæ seu qualitatum ejus
Exenteratione.*

THEOPHOBVS.

(I.)

Lvbeat vobis, perlustratâ jam totius
universi creatione, per præsentem
digressionem matutinam quaquaver-
sum mecum excurrere; circumspectu-
ris *primò*, quàm præposterè, iniquè &
stultè excæcati Cosmophili suavissimâ
ac regiâ servitute suo ter Opt. Creatori
mille titulis debitâ, sed millenis vicibus
& ultrâ impiè denegatâ; aut putidæ car-
ni, aut Mundo perfido, ipsique adeò ex-
creando damoni, Numinis & hominis
inter

Mundani
relicto Deo
diabolo
servientes.

C 2

inter